



**Iroun Unimwaane
Mathias Held**
Man te Ilingaun

Te Banna ni Katoto ae Tamaroa



Tiaki ngai te membwa n te Ekaretia ngke I uarereke. E aki riki ni karokoa I a ikawai ao I a riki bwa te tia bitineti ngke I a bwabetitoaki.

Tamau naba bon te tia bitineti. E rangi n raraoma ngke I kaina te Ekaretia. E taku, "Ko aki manga momoi manging. Anne e na bon kangaanga i nanon boowi n taabo ake a bane ni ikotaki ni mamanging iai aomata."

Ma I aki raraoma. I bairea bwa ngkana iai temanna ae e anganai te manging, N na kangai, "I aki, ko rabwa." Ngkanne I a manga ootana te bwai riki teuana.

A nako ririki, ao I kakarua aei n angiin te tai. I mwiin te tai ae maan, a ataia raou ni mwakuri. Ngkana I anganaki te manging, a taku, "e aki momooi Mathias. Anganna te bwai teuana." E a moanna ni mwaiti mairouia ae e a katoka naba kabooan te manging. "Ngai naba I aki tangiria," a taku.

N te taina, tabeman iruwa a roko n te boowi. Bon tii ngaiia aika a momooi manging.

A titirakinai, "Bukin tera akea ae e momooi manging? A bane ni kaaina am Ekaretia?"

"A aki" I kaeka.

I aki kabwarabwara nakoia raou ni mwakuri taekan Tuan te Mauri. I bon ti matoatoa iaon au koaua, ao a bane n noora au banna ni katoto.

Ko kona n riki bwa te banna naba ni katoto ae raoiroi. A na ataia aomata ngkana ko rinea ae eti. Ko kona ni buokii ti man maiuakinan te euangkerio. ●

Man te intawiu ma Haley Yancey.